

The Electronic *Manipulus florum*
www.manipulusflorum.com

Antichristus x
cum fontibus proximo et primo

Nascetur autem antichristus in Babilone de tribu Dan, iuxta quod Iacob ait: Fiat Dan coluber in uia, cerastes in semita et cetera. Et cum uenerit Ierosolimam circumcidet se, dicens Iudeis: Ego sum Christus uobis in lege promissus. Tunc confluent ad eum omnes Iudei et reedificabunt templum a Romanis destructum, sedebitque ibi docens se esse Deum.

Aymo in glossa II. ad Thessalonicenses II. capitulo.

In templo.... Haymo.

Nascetur autem antichristus in babilonie de tribu dan. iuxta quod iacob ait. Fiat Dan coluber in via. cerastes in semita. Et cum uenerit hierosolimam circumcidet se dicens iudeis. Ego sum Christus uobis promissus. Tunc confluent ad eum omnes iudei. et reedificabunt templum a romanis destructum, sedebitque ibi dicens se esse deum.

Glossa ordinaria, liber epistolae secundae ad Thessalonicenses, 2 (Biblia Latina cum glossa ordinaria, A. Rusch ed., Strassburg, 1480).

Nascetur Antichristus in Babylone de tribu Dan, iuxta quod Jacob dicit: *Fiat Dan coluber in via, cerastes in semita (Gen. xlix).* Et cum uenerit Hierosolymam, circumcidet se, dicens Judaeis: Ego sum Christus uobis promissus; tunc confluent ad eum omnes Iudaei, et reaedificabunt templum, quod est destructum a Romanis, sedebitque ibi, dicens se esse Christum.

Haymo Halberstatensis, *In divi Pauli epistolas expositio, in epistolam II. ad Thessalonicenses, 2 (PL 117, col.780A-B).*